



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77, Հեռ.

N

91/396

< 10 > 08 2021թ.

Քաղաքացի Յուրիկ Գրիգորյանին
Հասցե՝ ք.Երևան, Շիրակի փողոց 36 տ.

Ուղարկում եմ Ձեր դիմումի հիման վրա ՀՀ ոստիկանության պարեկային ծառայության իրավաբանական բաժանմունքում իրականացված վարչական բողոքարկման վարույթի արդյունքում կայացված <<8180002056 վարչական ակտը բեկանելու և վարչական իրավախախտման վերաբերյալ գործի վարույթը կարճելու մասին>> որոշումը:

Առդիր՝ <<3>> թերթ:

Պետ,
ոստիկանության գնդապետ՝

Ա. Ումրշատյան

Կատ. Հ.Հարությունյան
010-30-42-02

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 26.07.2021թ-ին կայացված 8180002056 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<< 10 >> 08 2021թ.

ք.Երևան

Պարեկային ծառայության պետ, ոստիկանության գնդապետ Ա. Ումրշատյանս, վերանայելով Յուրիկ Գրիգորյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

26.07.2021թ. ժամը՝ 01:00-ին Երևան քաղաքի Արարատյան փողոցում քաղաքացի Յուրիկ Գրիգորյանի վարած <<Տոյոտա>> մակնիշի 77YV777 հաշվառման համարանիշի տրանսպորտային միջոցը կանգնեցվել է պարեկային ծառայության 4-րդ գումարտակի 1-ին վաշտի կրտսեր պարեկ Տիգրան Նորիկի Առաքելյանի կողմից: Ստուգումից պարզվել է, որ վարորդն ավտոմոբիլը վարել է առանց գործող ԱՊՊԱ պայմանագրի: Վարորդի նկատմամբ կազմվել է վարչական իրավախախտման վերաբերյալ արձանագրություն և Վարչական իրավախախտումների վերաբերյալ ՀՀ օրենսգրքի 129.2-րդ հոդվածի 2-րդ մասի համաձայն, կայացվել է որոշումը՝ վերջինիս 100.000 ՀՀ դրամի չափով տուգանելու մասին:

Երևան քաղաքի Շիրակի փողոցի 36 տ. բնակիչ Յուրի Գրիգորյանը դիմումով խնդրել է անվավեր ճանաչել պարեկային ծառայության վարչական իրավախախտման վերաբերյալ գործով 26.07.2021թ. կայացված 8180002056 որոշումը՝ նշելով, որ իր տրանսպորտային միջոցը եղել է ապահովագրված: Դիմումին կից ներկայացրել է <<Ինգո Արմենիա>> ԱՓԲԸ-ի հետ կնքված ԱՊՊԱ պայմանագրի վերաբերյալ տեղեկանքի պատճենը:

Դիմումի քննարկման արդյունքում պարզվել է, որ վարչական իրավախախտման վերաբերյալ գործով 26.07.2021թ-ին կայացված 8180002056 որոշումը ենթակա է բեկանման հետևյալ պատճառաբանությամբ.

<<Ավտոտրանսպորտային միջոցների օգտագործումից բխող պատասխանատվության պարտադիր ապահովագրության մասին>> ՀՀ օրենքի 5-րդ հոդվածի 4-րդ մասի համաձայն՝ յուրաքանչյուր անձ պետք է մշտապես ունենա սեփականության իրավունքով իրեն պատկանող (ֆինանսական վարձակալության (լիզինգի) պայմանագրով իրեն տրամադրված) և Հայաստանի Հանրապետությունում հաշվառված յուրաքանչյուր ավտոտրանսպորտային միջոցի համար կնքված և գործող ԱՊՊԱ պայմանագիր: **Արգելվում է ընդհանուր օգտագործման**

ավտոմոբիլային ճանապարհներով ավտոտրանսպորտային միջոցի վարումը, եթե դրա համար առկա չէ այն վարելու պահին գործող ԱՊՊԱ պայմանագիր:

Վարչական իրավախախտումների վերաբերյալ ՀՀ օրենսգրքի 129.2-րդ հոդվածի 2-րդ մասի համաձայն՝ առանց տվյալ տրանսպորտային միջոցի համար կնքված ավտոտրանսպորտային միջոցի օգտագործումից բխող պատասխանատվության պարտադիր ապահովագրության գործող պայմանագիր ունենալու՝ Հայաստանի Հանրապետության տարածքում ընդհանուր օգտագործման ավտոմոբիլային ճանապարհներով տրանսպորտային միջոցը վարելը՝ առաջացնում է տուգանքի նշանակում՝ սահմանված նվազագույն աշխատավարձի հարյուրապատիկի չափով:

Պարեկային ծառայողների կողմից տրված պարզաբանման համաձայն՝ քաղաքացի Յուրիկ Գրիգորյանի կողմից տրանսպորտային միջոցն առանց գործող ԱՊՊԱ պայմանագրի վարելու փաստը հայտնաբերվել է Հայաստանի ապահովագրական ընկերությունների ավտոապահովագրական <<ASWA>> էլեկտրոնային կայքէջի միջոցով:

Հայաստանի ավտոապահովագրողների բյուրոյի կողմից տրված տեղեկատվության համաձայն՝ <<Տոյոտա>> մակնիշի ավտոմոբիլի 88MN001 հաշվառման համարանիշները փոփոխվել են, որից հետո վերջինիս տրամադրվել են 77YV777 հաշվառման համարանիշերը, իսկ ապահովագրորեն այդ մասին անմիջապես չի տեղեկացրել ապահովագրական ընկերությանը՝ պայմանագրում փոփոխություններ կատարելու վերաբերյալ համաձայնագրի կնքման նպատակով: Այդ պատճառով ԱՊՊԱ տեղեկատվական համակարգում հիշյալ ավտոտրանսպորտային միջոցի վերաբերյալ մինչև 2021 թվականի հուլիսի 26-ը մնացել են նախկին հաշվառման համարանիշի տվյալները, սակայն 26.07.2021թ-ին 77YV777 հաշվառման համարանիշի ավտոմոբիլը եղել է ապահովագրված (հիմք՝ Հայաստանի ավտոապահովագրողների բյուրոյի վերահսկողության և սպառողների շահերի պաշտպանության ծառայության աշխատակից, վերահսկող Վահան Սարգսյանի տեղեկատվություն):


Այսպիսով, դիմումատուի արարքում բացակայում է Վարչական իրավախախտումների վերաբերյալ ՀՀ օրենսգրքի 129.2-րդ հոդվածի 2-րդ մասով նախատեսված վարչական իրավախախտման դեպքը, ուստի ելնելով վերոգրյալից և ղեկավարվելով նույն օրենսգրքի 247-րդ հոդվածի 1-ին մասի 1-ին կետով և 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. Պարեկային ծառայության վարչական իրավախախտման վերաբերյալ գործով 26.07.2021թ-ին կայացված 8180002056 որոշումը բեկանել և վարչական իրավախախտման վերաբերյալ գործի վարույթը կարճել:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:

3. Սույն որոշման օրինակն ուղարկել Յուրի Սամվելի Գրիգորյանին և պարեկային ծառայության Երևան քաղաքի գունդ:

Պետ,
նստիկանության գնդապետ՝



Ա. Ումրշատյան